

Protocol da la radunanza generala dal

LÖ D'INSCUNTER LAVIN



als 20 marz 2018, a las 20:15h illa Chasa Fliana a Lavin

S-chüsats: Mengiafila Luzzi, Duri Campell, Otto ed Annamaria Huber, Domenica Rest, Carolina Bearth, Jonpeider Strimer, Gianna Martina Peer, Fadri Häfner, Anita Burkhalter, Dumeng Duschletta, Flurinda Raschèr, Uorschla Pult, Reto Lehner, Annina Mengiardi, Aita Zanetti, Armon Bezzola, Buolf e Cilgia Nogler

Bivgnaint

Nos president Jachen Erni das-cha salüdar a 21 personas a la radunaza generala (vair la glista da preschentscha acclusa).

Tscherna dombravuschs

Nino Bisaz vain elet sco dombravuschs.

Approvar il protocol da la radunanza generala dals 15 marz 2017

Il protocol da la radunanza generala dals 15 marz 2017 vain prelet ed approvà.

Approvar il rapport da gestiun

Il president Jachen Erni dà ün sguard inavo sül on da gestiun: El manzuna in seis rapport ils puncts culminants dal on da giubileum da 60 ons Chasa Fliana : Ils cuors generals cun ca. 20% daplü participantas e participants co l'on passà, ils duos cuors da pauras e paur, las differentas sezzüdas, ed otras activitats implü. La situaziun finanziaria da la società s'ha stabilisada ed il nommer da commembras e commembers s'ha augmentà sün 214. Eir las entradas da fit per l'allogi illa Fliana s'han augmentadas i'l 2017. El ingrazcha a l'administradura Anna Margaritta Filli per seis instancabel ingaschamaint, al cussagl, la suprastanza ed als revisurs ed eir a tuot las otras personas chi sustegnan in qualsia che möd a la Fliana. (Il rapport es acclus a quist protocol). Il rapport vain approvà unanimamaing.

Rendaquint 2017, rapport dal revisurat

Nos fiduziari Andrea Zogg dal büro fiduziari Accontaris a Scuol preschainta il rendaquint 2017. Las entradas s'amuntan a frs. 77'956.55 (budget: frs. 69'030.00). Las expensas s'amuntan a frs. 75'054.30 (budget: frs. 72'456.00). Quatras resulta ün guadogn da frs. 2'902.25 (budget: deficit frs. 3'426.00). Las activas s'amuntan a frs. 472'811.09 ed las passivas a frs. 469'908.84. Ils revisurs da quint, Armon Bezzola e Fadri Häfner, han revis il rendaquint e la contabilità

2017 ed han chattà tuot in fich bun uorden. Ils revisurs da quint racumondan d'approvar il quint annual e'l bilantsch per l'on da gestiun 2017. Il quint annual e'l bilantsch vegnan approvats da la radunanza unanimamaing e quattras eir dat dis-charch als organs respunsabels.

Tschernas perioda 2018 - 2021

Sepp Barbüda ha demischiunà sco commember da la suprastanza e vicepresidente ed Anastasia Parli ed Annapatrizia Richert sortan da cussagl sco eir dal comitè d'organisaziun dals cuors generals. Jachen ingrazcha a Sepp Barbüda per tuot seis ingaschamaint a favur da la Chasa Fliana e til surdà ün pitschen regal. Eir ad Anastasia Parli ed ad Annapatrizia Richert ingrazcha el e surdà ad ellas ün püschel fluors. Inavant ingrazcha el eir a sia duonna Annina, chi fa part al cussagl da la Fliana sco commembra activa daspö 40 ons.

President: Jachen Erni vain reelet unanimamaing sco president.

Commembers e commembras da la suprastanza (fin qua 4 persunas): Illa suprastanza vegnan reeletas Anastasia Parli, Annapatrizia Richert. Reelet vain eir Gion Peider Mischol. Per Sepp Barbüda, ain elet nouv Fabian Schorta da Lavin in suprastanza.

Commembers e commembras dal cussagl (fin qua 9 persunas): Sper il president vegnan reeletas o reelets: Mathilda Pernisch, Otilia Christoffel, Annina Erni, Buolf Nogler, ed ils cussgliaders agriculs Reto Lamprecht e Claudio Mengotti. Nouv aintran Gianna Martina Peer, Berta Marugg da Scuol ed Ursina Ganzoni da Sent i'l ravuogl dal cussagl.

Revisurat: (fin qua 2 persunas ed üna suppleanta) Armon Bezzola e Fadri Häfner vegnan reelets sco revisuors e Christa Pinggera sco suppleanta.

Approvar il preventiv 2018

Jachen Erni preschainta il preventiv 2018 chi prevezza pro entradas da frs. 74'500.00 ed expensas da frs. 75'501.00 üna perdita da frs.1'001.00. Il preventiv vain approvà da la radunanza unanimamaing.

Fixar las contribuziuns da las commembranzas 2019

La radunanza decida da laschar la contribuziun annuala sco fin qua: Commembranzas singuls pajan CHF 30.00, conjugals CHF 50.00 e persunas giuridicas CHF 60.00.

Preschantaziun dal program provisoric dals cuors e referats 2018

Annina Erni preschainta ils cuors ed ils referats dals cuors generals pel on 2018 e Gianna Martina Peer tals per pauras e pauras. Quels sun fich variats e las organisaturas spereschan chi aintran darcheu bleras annunzchas per quels cuors. (Il sböz da l'invid als cuors es acclus a quist protocol).

Propostas inoltradas da commembras o commembers (art. 14, alinea 4 dals tschantamaints)

Propostas tenor artichel 14 nu sun entradas ingünas.

Varia

Nos commember d'onur, rav. Rico Parli ingrazcha al president ed a la suprastanza per lur instancabel ingaschamaint a favur da la Fliana.

Nos president Jachen Erni ingrazcha a las preschaintas ed als preschaints per la cumparsa, invida a la bavarella cun alch da piclar e serra la radunanza a las 21:25 h.

In buna fai, l'actuara

Annapatrizia Richert-Clagluna

Bos-cha, 21 marz 2018